

- 1 Depoe eos proprietate Mathias Creigius.
 2 Capita Religiosæ æanæ Græcæ Joach: Camerang.
 3 Laus Xpi resurgentis Christopho Pelargg.
 4 Harmon. Habraim. Barth. Adamann.
 5 Carmen Hab: Eodem.
 6 Almg III Carmine. Pancratig Crigens.
 7 Prophetæ Jonas Carmine. Daniel Saxo.
 8 Ecloga de Xpo triumphante. Barth: Bylovis.
 9 ~~Canonis Monach~~ ^{Finis spiritus in p[ro]phetis in Cruce.} ~~trans~~ Hildesheim in Cruce.
 10 Davidis Tropæum Joh: de Cotteritz.
 11 Davidis triumphus Jan: Henricus Scrotens de Güstrow.
 12 de Mundi termino Joh: Polidorg.
 13 Ecloga in diem Martini. Abraham: Decelis.
 14 De Partu Novitatis Dethlevis Meyers.
 15 Bernardus de gentu mundi Carmine.
 16 Joan: Fraxinge Melos. Spangenberg Wefsting.
 17 Concordia veriva. Albertus Olearig.
 18 Carminum Joach: Bilscey Liber 1.
 19 Gregorij Arabici poemata.
 20 Gnosticon Joh: Staubij e.
 21 Oratio Medua Carmine Laur: Homang.
 22 Alberti bovi Panthelias.
 23 De Incommodis Senectutis. Erasm: Rotterdam.

Q 3. 105 (1-66)

V

MEMORIAE
OPT. ET ILLUSTRISS. PRIN-
CIPIS ET DOMINI, DN.

IOANNIS,

I. A. F.

DVCIS MEGAPOLITANI, PRIN-
cipis Vandalorum, Comitis Suerini,
Domini Rostochij & Stargar-
diæ, Domini sui cle-
mentis.

THRENODIA ET

EPITAPHIUM.

NATHANIS CHYTREI



Rostochij typis Stephani Myliandri

ANNO

MDLXXII.

ILLVSTRISSIMI PRINCI-
PIS ET DOMINI, DN.

IOANNIS
DVCIS MEGAP. &c.

ILLVSTRISS. CONIVGI, ET
relictæ viduæ cariss.

SOPHIÆ,

Natæ ex regia familia illustriss. Ducum
Holsatiæ.

Eorundemque Liberis illustriss.

DN. ADOLPHO FRIDERICO.

DN. IOANNI ALBERTO.

DN. ANNÆ SOPHIÆ.

Ducib. Megap. principibus Vandalorum,
Comitib. Suerini, Dominis Rostochij & Stargardiæ,
D. S. CL.

THRENODIAM HANC
MEMORIÆ

Desideratiss. mariti, & dulciss. patris
eorum effusam

Submissa compellatione nuncupat
consecratq;

NATHAN CHYTRÆVS.

THRENO
D I A.



*T*qua iam te voce canam, quo carmi-
ne funus
Prosequar alme tuum: ò magni claris-
sime fili

*Patris Ioannes, quem mors iuuenilibus annis
Abstulit è tenera complexu coniugis, inter
Dilecta lacrymas sobolis, fletusq; sonoros.*

*Pergite Varniades cœptas iterare querelas:
Et gratum pridem vobis ante omnia patris
Principis extincti, & patruï memorabile nomen
Luctisonis iterate modis. hic optimus ille
Ductor Ioannes Albertiades Albertus,
Doctrina, ingenioq; fuit memorabilis heros.
Hoc, & Vdalrico ducibus, Megalepolis alumnus
Sustulit in sublime caput, cœpitq; vigere
Panc bonis cunctis, vitæ quæ pascit honesta
Et sancta ratio. num quis meliora requirat?*

*Pergite Varniades cœptas iterare querelas.
His ducibus pia relligio, trucis Antichristi
Sordibus explosis longe formosior atq;*

Purior

Purior enituit, quam cum hac per rura, per urbes
Vana Superstitio sceptrum sublime teneret,
Cæca trahens cæcos, & auerni in tartara mittens.

Pergite Varniades cæptas iterare querelas.
Testis erit sacer ille liber, pius ille Melanthon,
Principibus tum gratificans, quem scripsit, eoque
Fundamenta pia doctrina, omnesque sacrorum
Complectens ritus, hanc, post sacra Biblia, normam
Terra Ecclesolis huius præscripsit, adhuc qua
Est rata pontifices contra, cunctosque sophistas,
Schismaticosque adeo, clara qui lumen Aethes
Obscurant, atque oderunt cane peius & angue.

Pergite Varniades cæptas iterare querelas.
Testis erit schola Varniadum, Balthesque Rosetum,
Incultum prius & vastum, cæcaque priorum
Barbarie squalens, isto quod tempore nactum
Cultores satis eximios celebresque, vicissim
Florere, & roseos diffundere cepit odores
Trans mare, trans terras, silvasque & saxa, secuti
Quos Cimber, Batauus, Saxo, durusque Chamauus,
Vangio quem Cattusque sagax, acerque Nariscus,
Vindelicusque, Vbiusque adeo, Livo atque Borussus,
Nec non & Danus, Noruegus, & incola Thules
Sulphu-

Sulphurea, Suecusq³ sequens, hinc inde comantes
Decerpere rosas Musarum, almaq³ Hygiea,
Enepies, Charitum, Sophia, Eunomiaq³ verenda:
In patriamq³ suam nitidas retulere corollas.

Pergite Varniades cœptas iterare querelas.

Testis erit iusti studiosa provincia & equi:
Atq³ eius commune forum, Iurisq³ periti
Et legum paredri, quosuis audire parati,
Ipsius sub prasidio Ducis, absq³ potentis
Respectu & tenuis, ditis vel prorsus egeni,
Exigui aut magni: sic ut sententia lites
Sat citò componat: nec ius violentia vincat,
Iure manus, non legis agens. Latro nullus in agris
Aut siluis latitat: culpam moresq³ pudendos
Pœna premens sequitur nullis inhibenda querelis,
Non prece, non precio, non vlla flexilis arte.

Pergite Varniades cœptas iterare querelas.

Omnia quid referam? Megalepolis inclyta, sum-
His Ducibus florē quasi contigit ipseq³ Ianus (mum
Albertus bona tanta suis ut linquere posset
Integra, Ioannem natum, cum fratre, tenellis
Fingere ab unguiculis studuit, quo nosse valerent
Munera tanta Dei: serisq³ nepotibus illa

A 3

Paula-

Paulatim simili possent transmittere cura.

Pergite Varniades cœptas iterare querelas.

Octavus seculi istius qui Iubilis annum

Subsequitur, Nonis Martis labentibus, olim

Natalis fuit illustri huic dulciq; puello:

Lux eadem ternis quando ante ea tempora lustris

Prima affulsisset Fridericiada Casimiro,

Nunc quoq; quem patriæ columen, Papæq; tremo-

Artibus & belli pariter pacisq; potentem, (rem,

(Bascanie iuuitas circum licet arrigat aures)

Nicriades lugent, ad myrtilleta Palati

Augusti suspirantes, & cuncta replentes

Fletu, quem repetit celsis è montibus Echo.

Pergite Varniades cœptas iterare querelas.

Mox ubi compleisset pueriles integer annos;

Eius curam habuit meus ille Caselius, alnum

Vir Sophia Euepiesq; decus, Charitumq; nitela,

Tanquam alter Phœnix. hoc scilicet ille magistro

Verborum orator, rerumq; effector ut esse

Inciperet: patriam & maiori semper amore,

Quam semet, ludosq; suos, aut commoda curans;

In commune bonus, cunctis prodesse, nec ulli

Vel prætectu iuris nocuisse studeret.

Pergite

Pergite Varniades cœptas iterare querelas.
Hinc Iobus Madeburgus cum albesente verendus
Canitie & pietate valens, variaq; politus
Doctrina e patria ad Phyliraum abduxit Elistrum,
Aula profecto, & vita morumq; magistro
Eximio Basseuitio, Victorius ille
Vt pote quem dignum non rara laudis honore
Censuerit, scriptisq; suis intexere nomen
Illius haud dubitarit, honor Victorius Arni,
Et doctos inter nostro doctissimus auo.

Pergite Varniades cœptas iterare querelas.
Hinc ille in patriam cum laude reuersus auit am,
Finitis tutela annis, rerum ipse potiri
Cœpit, & exhaustos ad rem conferre labores:
Depositumq; sui patris, ipse simillima proles,
Communi patria & genti seruare fideli
Proposito & studio. Themis hinc, Pietasq; Fidesq;
Et Pudor, & Probitas, & docta Thalia priorem
Obtinuere locum: quarum studiosus & ipse
Cum foret, hac eadem ciues quoq; dia bearunt
Munera, fuluo etiam vel nobiliora metallo.

Pergite Varniades cœptas iterare querelas.
Non cuiquam grauis ille fuit, verū omnibus aequus,

A 4

Agri-

Agricolae etiam non aspernatus egenos.
Blasphemae ex ore eius prodire loquelas
Audiuit nemo, aut voces mala certa precantes,
Spirantesue minas. casti decus ille pudoris
Intactum conseruauit sibi rite suaq;
Consorti Sophia, qua Cimbra ex gente creata
Regali, primos eius libauit amores,
Postremosq; adeo. quid de pietatis amore
Cognita commemorem? multi dum pocula siccant,
Sectanturue feras: ipsi meditatio libri
Diuini cura una fuit, quem saepe legentem
Mare nouo Eous uidit, uesperq; decorus.
Quacunq; & cura premerent, quacunq; labores,
Hos precibus mandare Deo uotisq; solebat
Assiduis, imoq; adeo de pectore fusis.

Pergite Varniades coeptas iterare querelas.
Hoc iter, huncq; tenens cursum, cum quatuor annos
Triginta supra impleisset, plane integer eui,
Ut flos a duro occubuit succisus aratro.
Quamuis, qui curas eius, variosq; labores
Cognorit; summo uel possit iure fateri,
Tam clarum uirtute ducem, uer prorsus in anno
Non habuisse suo. quo fortunatior esse est

Cen-

Censendus, cui mors aeterni ianua veris
Et floris sit facta, sui quem deniq; fructus
Maturi & nulla perituri aetate sequentur.

Pergite Varniades cœptas iterare querelas.
Non tamen immerito luget mœstissima coniunx
Principis extincti Sophia inclyta, patris Adolphi
Delicium quondam in Cimbris cum sceptrum teneret.
Non flent immerito Fridericus Adolphus, eiq;
Frater Ioannes Albertus amabilis, Anna
Cum Sophia tenera: pariter iam scilicet orbi
Tam miti, egregio, & pleno pietate parente:
Non patria immerito luget, pietatis amore,
Et probitate parem vix post habitura Toparchem.

Pergite Varniade cœptas iterare querelas.
Quam verò misera sint urbes, regna, ducatus,
Si caput his desit prudens, patiensq; laborum;
Aut si cauda caput regere & ductare Leonis
Sollicitè satagat; multorum exempla loquuntur
Multa nimis. faxint superi, Megalepolis ipsa
Ne mox experiatur idem. quod cœlitus omen
Avertat pater omnipotens spes una suorum
Rebus in angustiis, cum desperata videntur
Omnia, & instantem minitari cuncta ruinam.

Pergi-

Pergite Varniades cœptas iterare querelas.
Inprimisq; orate Deum, cui summa potestas
Regnorum & regum, ut canum Ducis Udalrici
Protegat ipse caput, vitaq; huic proroget annos,
In vegeta hac viridiq; sua crudaq; senecta.
Quod qui non facit, est patria certissimus hostis,
Nec sibi met quoq; sat fidus, nec amicus amicis.

Pergite Varniades cœptas iterare querelas.
Submissequ; orate Deum, ut Fridericus Adolphus,
Cum fratre, haud habeant peiores arte magistros,
Cultoresq; animi & morum; dilectus eorum (nostro
Quam genitor cum fratre habuit (quam tempore
Eheu rara horum seges atq; annona virorum est!)
Utq; illi dociles præbere monentibus aures
Ex animo studeant. hac hac Megalepolis una
Seruari ratione queat iam pane videri:
Seraq; posteritas aliquam sperare salutem:
Qua sine, ni cœli clementia fida fauorq;
Desuper adspirent, mens agra ut iudicat, actum est.
Sistite Varniades fusas è corde querelas,
Et potius sanctè usq; adeò, placideq; pieq;
Plaudite defuncto, quem tristi è valle dolorum,
Mærorum, angorum, lacrymarum, ad gaudia cœli,
(Qua

*(Qua toties gemitu optavit votisq; profusis)
Transtulit ipse Deus, fletusq; expertia regna:
Nullus ubi vel morbus ei, vel turpis hirudo
Fœnoris, aut etiam Dyschrestia dura nocebit:
Non alia affligent cura: sed in omne beatus
Ænum, cunctorum vivo de fonte bonorum
Vel votis potiora feret. quis plura requirat?
Sistite Varniades lugubres sistite fletus.*

EPITAPHIUM

D. O. M. S.

ILLVSTRISS. PRINCEPS IOANNES, IOAN-
nis Alberti Ducis Megap. filius & successor,
à puero litteris excultus, pacis & iustitiæ ama-
tor & defensor, blasphemix, scelerum & libi-
dinum osor, erga subditos beneuolus & mi-
tis, Ecclesiarum & scholarum nutricius, in
omni boni principis officio laboriosus: cum
Stargardiæ immatura, sed pia tamen morte
è viuis excessisset; mortalitatis suæ reliqui-
as, non procul à paternis maternisque, hic de-
po-

posuit, anima in paradisum recepta. coniuge
interim illustris. Sophia Cimbrica, & libe-
ris superstibus miserè lamentantibus: lu-
gente, & non immeritò, tota prouincia.


*Natus est An: Chr. cIo. Io. LIIIX.
Die VII. Martij. Deceßit XXII.
Martij antiqui, An. cIo. Io. XCII.*

F I N I S.





VD16
PICA



48

MEMORIAE
OPT. ET ILLUSTRISS. PRIN-
CIPIS ET DOMINI, DN.

IOANNIS,
I. A. F.

DVCIS MEGAPOLITANI, PRIN-
cipis Vandalorum, Comitis Suerini,
Domini Rostochij & Stargar-
diæ, Domini sui cle-
mentis.

THRENODIA ET
EPITAPHIUM.
NATHANIS CHYTRÆI.



48

54
52
50
48
46
44
42
40
38
36
34
32
30
28
26
24
22
20
18
16
14
12
10
8
6
4
2

